

Ne Wënd Yuurā Albarka, sēn ya α Dūni yols zāng naabā, n leb ya α Sud-kōatbā welg n yols naabā

Lislaoongā

Toagsg sēn kuug koεεga sēn wilgd Lislaoongā wεεngē, wala a sēn wa Alkurāan wagellā la Nabiyaaamā sūnnāh puga yiisg (Kopt) b sēn n yāk daliil-rāmbā nase

1. Lislaoongā yaa Wënd tēn-tumde n tug nebā fāa gill nengē, rēnd yēnda la Wënd tēn-tumd ningā sēn duumdā.
2. La Lislaoongā ka dīin sēn welge n kō buud toore maa neb toor ye, ad a yaa Wënd dīin n kō nebā fāa gill kiap.
3. Lislaoongā la Wënd tēn-tumd ningā sēn wa n pids nabiyaaam-rāmbā la tēn-tuumbā sēn reng taoore tēn-tumā, tī tug b nebē wā puusg la tūlgr be b yīnga.
4. Nabiyaaam-rāmbā, -tūlgr be b yīnga- b dīinā yaa a yembr tāa la b tūudmā soya yōsa taaba.
5. Lislaoongā boondame n tugdē wala nabiyaaam-rāmbā fāa sēn boolā, a Nuuh la a [braahum la a Musa la a Sulaymaan la a Daawuud la a Isa -tūlgr be b zugu- n tugd sud-kūuni (lumaoongo) tī ad Soabā, yēndā la Wēnde, sēn yaa Naandā, n yaa Rūlgdā, sēn vumsda la A kuudā, sēn yaa Naamā Soaadā, Yēndā me n rabsd yelā, Yē me yaa nimbāan-Zoata, n ya a Yolsda.
6. Wēnde, A Naam yūlgame, Yēnda la Naandā, Yē n sōmb ne tūudmā Yē a yembr tāa, la b ra tug n tū n lagem-A zēng sēn ka Yē ye.
7. Wënd la Naanda būmb ninga sēn be dūni wā fāa pugē, tōnd sēn ne la d sēn pa ne wā, la zēng sēn ka Yē fāa yaa bōn-naandega sēn be A bōn-naandsā pugē, la Wënd naana saasā la tēngā rasem a yoob pugē.
8. La Wēnde, A Naam yūlgame n zēke, A ka tar lagem-naaga A Naamē wā maa A naanegē wā ye, maa A rabsdgē wā maa A tūudmē wā.
9. La Wēnde, A Naam yūlgame, A ka roge, b ka rog-A, A ka tar mams-n-taaga, A ka tar bils-n-taaga.
10. La Wēnde, A Naam yūlgame n zēke, A ka sigd būmb pugē ye, A ka lebd būmb me n rik α yīng ye, sēn yaa būmb ning fāa sēn be A bōn-naandsē wā.
11. Wēnde, A Naam yūlgame n zēke, A yaa nimbāan-Zoeta n yaa Yoalsda ne A yembsā, rē n kit t'A tum tēn-tuumbā, la A sik Gaf-rāmbā.

12. Wënd la α Soabā sēn yaa Yolsdā, Yēnd A Yembr tāa n na n geel yembsā Dūni wā yikr raarā, wakat ning A sēn na n yik-b fāa b yaadē wā, n rol ned fāa a sēn tumā, sōma la wēnga. Rēnd ned ning sēn tuma tuum sōme t'α yaa sud-kōta rēnd yē soab tara neema sēn duumdā, la ned ning sēn kifla la a tum wēnga, yē tara nang sēn yaa bedre, yaoolem raarā.

13. Wēnde, A Naam yūlgame n zēke, A naana a Adama ne tom, n maan α koambā tī b fugdē rē loogr poorē, rēnd nebā fāa gilli, b yēgrā yaa yembre, yudlem ka be ne buudu, buud a to zug ye, ka be ne neb me, neb a taab zugu, sā n ka ne Wēn-zoεεg bala.

14. La biig fāa rogda Ftrā wā (dīinā) zugu.

15. La ned ka be ninsaalbā pugē n rogdē t'α yaa tudgda, maa a rik a to tudgdr faad ye:

16. La nebā naanegā vōor yaa: Wënd tūudūm yīnga Yē A Yembre:

17. Lislaoongā waooga ninsaala- b raopa la pagba- la a leb kō-a a hake-rāmb gilli, la a maan-a tī b na n sok-a a sēn tūus yel ninsā fāa gilli la a tuumā fāa gilli la a manesmä fāa, la sokd-a tuum ning fāa sēn namsd a mengā, maa sēn namsd neb a taabā.

18. La Lislaoongā maana raa la paga tī b yaa yembre, sā n yaa ne tuumā wεεngē, la rolbā la yel-sōmdā wεεngē

19. Lislaoongā waooga paga, la a maan tī pagbā b yaa raopa boaga, la a rogl raoā t'α rūlg-α t'α sā n yaa tōoda, rēnd bi-pugl rūlgre yaa tūlae n zao a ba wā, tī ma wā rūlgr zao a biigā t'α sā n yaa kāsma n tar tōogo, tī pag rūlgr zao a sidā.

20. La kūumā ka yēnda la sēeb ning sēn duumda ye, ayo ad a yaa tedgre, n na n yi tuum zakē n kēng rolb zakē, la kūumā a rikda yīngā la yōorā fāa, la yōorā kūum yaa a sēn na wa welg n bas yīngā, rē poorē t'α lebgd n wa α yīngē wā b sēn wat n yik nebā poore dūni yikr raarā, la yōorā pa toemd kūuma poore n long yīng α to ye, α leb n pa kēed yīng α to ye.

21. Lislaoongā boondame n tug tī b kō sūda ne lumaoongā (kō-sūdā) yēga sēn yaa bed-beda, bāmb me la kō-sud ne Wēnde la malegsā la Wënd Gaf-rāmbā, wala Tawraatā la Lingiilā la Zabuurā - taoor tī b na n ka toem-ba - la Alkurāanā, la kō sūda ne Nabiyaaam-rāmbā fāa la Tēn-tuumbā, tūlgr be b yīnga, la α leb n kō sūda ne b Pidsda, yē me la a Muhammad sēn yaa Wënd Tēn-tuumā, sēn yaa Nabiyaaam-rāmbā la tēn-tuumbā Pidsda. La α kō sud ne Yaoolem raarā. La d bāng tī ad dūni vumā, sā n da yaa yē la teka; mikdame tī vumā la

belmā yaa būmb sēn yaa reem bala. La d leb n kō sūda ne Buudā la Pulengā.

22. La nabiyaaam-rāmbā -tūlgr be b yīnga- b gū-b lame n yi tudgri būmb ning fāa b sēn taasdā pugē tī yi Wënd nengē wā, b leb n gū-b lame n yi tudgri sēn kēed ne būmb fāa sēn yōsg yam maa zug-sōngo, la nabiyaaam-rāmbā, b rogl-b lame tī b taas Wënd saglsā A yembsē wā. La nabiyaaam-rāmbā b ka tar baa fu sēn yaa wala Rubuubiya (Wēndlem) maa Uluuhiya (Sobendem). Ka woto ye, bāmb yaa yīng rāmb bala, n wōnd nebā fāa gilli, tī Wënd tumsd tī kēngd b nengē ne A tēn-tumā.

23. La Lislaoongā boondame n tugd Wënd tūubu, A Yembre, ne tūud-rāmba yēg sēn yaa b bedā, bāmb me: la Puusgā, sēn yaa yasgo, la surbu (Ruku), la suguudu la Wënd Yuur tēegre, la A pēgbo la kosgo, ninsaal puusd-a la raar fāa noor a nu, tī yud-taabā fāa se a pugē, rēnd rakāagre la talga la naaba la sēn ka naaba, fāa bee rulg a yembr zugu Puusgā pugē. La Zaka, yē me yaa sōor sēn yaa bilfu sēn yi arzekē wā, n zems ne sart-rāmba, la sōor ningā Wënd sēn yāke, tī yaa tūlae n be rakāagbā arzege, tī b yiisid n kōt talse la zēng sēn ka bāmbā. Yaa vugr tāa yuum pugē. La No-loeerā, yē me la yōk-m-menga n yi bōn-kaoodi Ramadaanā kiuug wīn-toogā pugē, tī yaa būmb sēn wubd yōorā ne raabo la sugri. La Hagiimdā, yē me la Wënd Roogā toglgo, sēn be Mak tēn-wagellā pugē, vugri yōorā woglem pugē, tī rog sēn yaa tōogda, n tōe n kēnge, la hagiimdā pugē, nebā fāa zemsda taaba togle n tug Naandā nengē wā -A Naam yūlgame- tī yudlemā sēn welgd neba ne taaba la yēgā fāa menemda beenē n lebg būmb a yembre.

24. La būmb sēn yaa zūsg n yud sēn welgd tūud-rāmbā lislaoongā pugē t'α yud α taaba, yaa t'α yalē wā la a wakat-rāmbā la sart-rāmbā, yaa Wënd n maan-ba, A Naam yūlgame n zēke, la A sēn taas A Tēn-tuumā, Wënd puusg la A tūlgr be a yīnga, tī ninsaalbā ka kēes b toaag a pugē, zem tī yaa paasgo maa boogre, n wa tāag rūnda, la tūud-kāensā fāa gill sēn yaa bed-beda, tēn-tuumbā fāa boolame n tug-a, tūlgr be b yīnga.

25. Lislaoongā Tēn-tuumā, yē la a Muhammad sēn yaa a Abdullaah biiga, n yi a [smaa^ul sēn yaa a [braahum biigā pendē, puusg la tūlgr be b yīnga, a roga Maka, yuum 571, nabi Iisa rogmā poorē, b tums-a lame t'α be Maka, t'α yik rē poorē n kēng Madiina, la a ka lagem a nebā rubsā tūub yelē ye, la a rag n yume n lagemd-ba tuum sōmbs a taaba sēn yaa waglā pugē, a rag n yume n be zugd sēn yaa zūsd pugē, taoor tī b na n ka tums-a ye. La a nebā rag n yume n da

boond-a t'α amiin (bas-m-yam soaba). Wënd tums-a lame a sēn wa n ta yuum pis naase (40). La Wënd kenga a boollā ne tagmas-rāmba (yel soalem-rāmba) sēn yaa zūsd, la sēn tug n yuda yaa Alkurāan wagellā, yē me la nabiyaaam-rāmba tagmas-rāmb zislem sēn tug n yuda, yē me la tagmas nins sēn pa, sēn yi nabiyaaam-rāmbā tagmas-rāmbē, n na n tug n tāag rūnda. La Wënd sēn wa n tug n pids dīinā n kō-a wā, tī Nabiyaaamā taas-α taasg tekā, a maana kaalem t'α yuumā yaa pis-yoob la a tāabo, la b mu-ma la Madiin sēn yaa Nabiyaaamā tēngā, la Tēn-tuumā a Muhammad puusg la tūlgr be a yīnga yē la nabiyaaam-dāmba la tēn-tuumbā Pidsda, Wënd tums-a la ne kāndgre la sud dīinā bul yīng t'α yiis nebā rubsā la kiflmā la zulmā ligsā, n tug Wënd-yembgā la sud-kūuna vēenem, la Wënd maana kaset tī ad A tums-a lame t'α yaa boonda n tug A nengē ne Yē tōogo.

26. La Lislaoongā Šari wā Tēn-tuum a Muhammad Wënd puusg la A tūlgr be a yīnga sēn wa ne-a wā, yaa yēnd n pidsd Wënd tēn-tumā la A Šari-rāmba, yē me la Šari sēn pidi, nebā dīinā la b dūni wā me manegr be a pugē, yē me gūusda: nebā b dīin-rāmba la b zū-rāmba la b arzege, la b yamā la b koambā, yē me n yēes Šari fāa sēn reng taoore, wala Šari-rāmb nins me sēn da reng taorā sēn yēes taabā.

27. La Wēnde, A Naam yūlgame n zēke, a ka reegd dīin sā n ka Lislaoongā dīin ye, ning Tēn-tuumā a Muhammad Wënd puusg la A tūlgr be a yīnga, sēn wa ne wā. La ned ning sēn wa n tug n kē zēng sēn ka Lislaoongā, A ka na n tol n reeg a yīng ye.

28. Alkurāan wagellā, yēnda la gaf ning Wënd sēn tums-a n tug Tēn-tuumā a Muhammad nengē wā puusg la tūlgr be a yīnga, yēnda me yaa bon-naands Naaba goama, Wënd geesa ninsaalbā la zīn-rāmba tī b wa ne a buudu, maa Suura sēn wōnd a suura-rāmba buud bala, la geesgā ka bak n ket n be n tāag rūnda, la b ka tōog n wa ne-a ye. La Alkurāan wagellā, a loegsda sogsg wusgo, sēn yirb neb tus-kēems wusgo. La Alkurāan wagellā, yēnda yaa Wënd sēn gū n yi toeeng buudu, n tug n wa tāag rūnda, ne Laarabiimd ningā a sēn sig ne wā. Baa gom-bil a yembr ka boog beenē ye, yaa būmb me sēn wē n yiisi t'α sāeēge, yaa gaf sēn yaa bedre n ka tar to, tī sōmb tī b karem-a, maa b karem α maana wā sēn lebg ne buud α taaba goamā, wala Tēn-tuumā a Muhammade, Wënd puusg la A tūlgr be a yīnga Sunnā me, la a sēn wilg yel ninsā la a vumā yellā, yē me yaa būmb b sēn gūsi n tall-a n taas sēn tū ne Ruwaat (toagsdb) n yaa b sēn maan-b rāmb bas-m-yam halī tī wa tug n ta tōndo, yē me yaa būmb b sēn wē n yiis ne Laarabiimd ning -Tēn-tuumā Wënd puusg la A tūlgr be a yīnga- sēn goam α soabā,

yaa bumb b sen lebg ne buud goam wusgo. La Alkurāan wagellā ne Tēn-tuumā Sunnā- Wēnd puusg la A tulgr be a yīnga- yaa bāmbā b yībā la yēgr a yembr taa b sēn yākd lslaoongā Buudā la a Šari-rāmbā a pugē, rēnd lslaoongā, b ka reegd-a neb nins sēn yet ti b yaa lslaambā manesmä pugē ye; la ad b reegd-a lame n yi Wēnd wahlē wā: Alkurāan wagellē wā la Nabiyaamā Sunnē wā.

29. La lslaoongā sagenda ne manegre n tug roagdb a yībā, baa ti b sā n yume n ka moeemba, a leb n sagendame ti b rik na-kēng sōngo ne koambā.

30. Lslaoongā sagenda ne tēeg-tirga goam la tuum pugē, hal n tug n tāag ne beebā.

31. La lslaoongā sagenda ne manegre n tug bōn-naandsā gilli, n leb n boondē n tugd zug wagla la tuum sōmbse

32. La lslaamdā sagenda ne zug sōmbse, wala sīda la bas-m-yam la boabl lebsgo la yōk-m-menga la yān-zoεεga la raodo la kūuni la kō-yalengo, la tulsem-rāmbā sōngre la pakr sēn pak-b rāmb fāagre, la kom soab rīlgre, la yak-na-taar manegre, la rogem tōkre, la maan bug-bug ne rūmsā.

33. Lslaoongā kōo sor ti b rī rī-yilmā fāa, sēn yaa ruho la bōn-yūudi, la a sagle ti b ylg sūyā la yīnga, la zaka, rē n kite t'a kō sor ne fur loεεga, wala nabiyāam-rāmbā me sēn sagl ne rēnda, tulgr be b yīnga, bala b sagenda ne bumb fāa sēn yaa ylenga

34. La lslaoongā gidga haraam-dāmba yēgā, wa la lagem-na-taar ne Wēnde, la kifēndo, la rubsā tūubu, la yeel Wēnd zugu ti ka tū ne bāngr ye, la koam kuubo, la ku yōor ninga Šari wā sēn ka kō sore ti b ku, la sāoong tēngā puga, la tum soobo, la yel-beedo sēn vēneg la sēn solge, la yoobo la raop kēed-n-taar ne taaba, la a gidg Ribā'a, la a gidg gūf wābre, la bumb ning b sēn kodge rubsā yīnga, la a gidg kukur nemd wābre, la rēgd-rāmbā fāa gilli, la a gidg kub arzek ruho, la boogre vugbē wā la magbē wā, la a gidg rogem wāagre. La Nabiyaam-rāmbā fāa gill zemsā taaba ne haraam-kāensā gidgre.

35. Lslaoongā gidgda zug-wēnse, wala zīri-beedo la zāmbō, la pu-lika la belgre la sū-kiiri la rab-wēnse la wagdem la maan-n-zuuka la wēgdo, la a gidgda zug-wēng buudā fāa gilli.

36. Lslaoongā gidgda ligda tum-na-taar ning rībaag sēn be a pugē, maa namsgo, maa belgre, maa wēgdo, maa zāmbō, maa a yita sabab n wa ne sāanga la namsgo n gūbgd ne zāmā wā la nebā yembr-yembre.

37. Lslaoongā waame n gūus yamā, la a gidg bumb fāa sēn sāamd-a wala rāam yūubu, la lslaoongā zēka yamā yelle, n maan ti yaa yēnda la tuumā roglg zīiga, n yidg-a n yi rogm-mikā la kifēndā bāense, la ka be lslaamdā puga, sēn yaa yel-soaandu maa yaa buudo n welg ne neb a taaba ti pa tū ne a taaba, ad a Buud-rāmbā fāa la a Šari-rāmbā fāa yaa sēn zems ne yam sōmbsā, yē me yaa bumb sēn zems ne tēeg turgā la yam-bedrā.

38. La dīin yoodā, b pugdbā sā n ka bāng bumb ning sēn be a pugē sēn kUSD taabā, la yel nins sēn ka kēed yamā: la dīinā taoor-rāmb sēn liibd pugdbā n yetē: ti ad dīinā a yuda yam tagsgo, la yam ka tar zīiga dīinā fasēng pugē ye. La sā n yaa lslaoongā, a rīka dīinā ti yaa vēnem n wōond yamā t'a rīkd a sorā, rēnd dīin yoodā rāmba, b ratame ti ninsaal bas a yamā la a pug bāmba, la lslaoongā, a ratame ti ninsaal nek a yamā sēn na yul n bāng yelā meng hakukā wala b sēn sūd yaa to-to wā.

39. Lslaoongā zīsgda bāng sōngo, la a leb n pīrsd bāngr pēesgo, pēesg ning sēn lak n yi yōor yamleooḡā, la a boon-dē n tugd tags-n-gesga la tagsgo tōnd mengā pugē, la bōn-naandsā sēn be tōnd kirengā, la bāng sōng ning sēn zemsd ne lslaoongā.

40. La ad Wēnd ka reegd tuumde, A leb n ka kōt yel-sōmd a pugē yaoolem raarā sā n ka mikame ti yaa ned sēn kō sūd ne Wēnde la a tū-A la a kō sūd ne A tēn-tuumbā -puusg la tulgr be b yīnga- A leb n ka reegd tūud-rāmbā sā n ka bumb ninga A sēn tuk n kō-ba ye. Rēnd na n yū wān-wāna ti ninsaal kīfī ne Wēnde la a tēed t'A na n kō-a la keoore? La a ka reegd ned baa a yembr sūd-kūuni sā n ka mikame t'a kōo sūd ne nabiyāam-rāmbā fāa gill ye -puusg la tulgr be b yīnga- la a kō sūd ne a Muhammad tēn-tumdā, Wēnd puusg la A tulgr be a yīnga.

41. Ad Wēnd tēn-tumā fāa gilli, b raabā yaa: ti dīin sūdā zēk ninsaalā t'a yū yamba sēn welg toore ne Wēnd A Yembre sēn yaa bōn-naands Naabā, la b yidg-a n yi ninsaalba yembdo, maa arzēka maa rog-n-mik yembdo, rēnd lslaoongā yaa wala fo sēn ne wā, a ka yulg d neb n zēk-ba n yug b zīigē wā ye, a ka maand-ba ti b yaa wēnd-rāmba la soab-rāmb ye.

42. Wēnd tuka tuubgā sore lslaoongā pugē, yēnda me la ninsaal sēn na n lebs a menga a Soabā nengē la a bas zunuuba maanego, la lslaoongā a wurda bumb ning sēn renga taoorā fāa sēn yaa zunuub-rāmba, la tuubgā sūkda bumb sēn rag n reng a taoorā, sēn yaa zunuub-rāmbā, rēnd ninsaal ka tar tulsem n na n reeg a zugē ne yē tuum tuuti wā ninsaalb taoor ye.

43. Rēnd yaa lslaoongā puga la tōk-n-taarā yita ninsaal ne a Soabā suka turga, ti ka tar tulsem ti ned baa a yembr zīnd yē ne a Soabā suk ye, rēnd lslaoongā gidgdame ti b wa tug n rik ninsaalba ti b yaa soab-rāmba, maa b yaa lagem-na-taase ne Wēnde, A naanegā pugē maa A Soabendā maa A wēndlemā pugē.

44. Seb-kāngā baasgē wā, d tēegdame ti ad nebā b zā-maan-rāmbā sēn yōs-taaba la b tēmsā yōs-taabā la b buud-rāmbā hal n tug n tāag ninsaalbā mensā fāa gilli, b yaa sēn yōs taaba b tagsā wēngē la b tulsmā, n leb n yōs taaba b zī-zīidsē wā la b tuumē wā. Rēnd sā n yaa woto, a tara tulsem wusgo, n tugd pēegda sēn na n togl bāmba, la na-kēndre sēn na n tīgim bāmba, la buuda sēn na n gū-ba, la tēn-tuumbā sēn yaa waglā -puusg la tulgr be b yīnga- bāmb n yās ne yel-kāngā, ti yaa tēn-tumd sēn yi Naab A Wēnd nengē - A Naam yulgame- n peegd nebā n tugd sōma sore la kāndagre, la b tīgimdbā Wēnd Šari wā zugu, la b buud b suka ne sūda, ti b yelā yaa sēn tēegd turga wala bāmb me sak-n-tū tēn-tuumbā teka, la b wakatā pēnegr ne Wēnd tēn-tuma, la Wēnd pidsa Tēntumā ne Tēn-tuuma a Muhammad - Wēnd puusg la A tulgr be a yīnga- Tēn-tumdā, la A bu t'a kelle n pa, la A maana t'a yaa kāndegre ne nebā la yolsgo la vēnem la peegre n tug sor ning sēn taasd Wēnd nengē A Naam yulgame.

45. Rē yīng n kite, ti mam boond foom a ninsaalā, ti f yik n yals ne Wēnde, yalsg sūd-sūda, n foog f meng n bas togs-na-taare la rog-m-miki, la f bāng ti ad fo kūumā poorē, f na n leba f Soabā nengē, la f ges fo mengē wā la ween-vuuga sēn be fo kiremsā, bu f sak n tū, ti ad f paamda zu-noogo f dūni wā pugē la f Laahrā pugē, la f sā n tull n rat n na n kē lslaoongā ad ka be ne foom sā n pa f (maan kaseto ti soab sēn na tū n tulg ka be, rēnda Wēnde, la a Muhammad me yaa Wēnd Tēn-tuuma) la f zāag f menga n yi bumb fāa b sēn tūud zēng ti ka yū ne Wēnde, la f kō sūda ti ad Wēnde A na n yika neb nins sēn be yaadē wā, la f bānge, ti ad Geelgā la Rolbā yaa bumb sēn yaa sūda, rēnd fo sā n maan kaset-kāngā, fo lebga lslaama, rēnd bee ne foo rē poorē ti f tū Wēnd ne A sēn maan Šari ningā, sēn yaa Puusgo, la Zak yākre, la no-loeere, la hagiimdu ti f sā n paam sor n na n tug beenē.

📖 Yāwā yaa sebrā buk sēn yiisi, wakat: 1441-11-19



Lslaoongā

Toagsg sēn kuug koεεga sēn wilgd lslaoongā wēngē, wala a sēn wa Alkurāan wagellā la Nabiyaamā sūnnāh puga

